

東川劉文簡公集

序東川先生劉文簡公集

賜進士出身資政大夫南京禮部尚書前禮部  
左侍郎太常寺卿開州門人王崇慶撰

嗟乎是為我師東川先生文簡公集云吾尚  
恨見之晚而又幸得之全也考之書凡八冊  
卷凡二十有四蓋其平生之著泛應之雅與  
精神之會洋洋乎流動充滿舉萃心目間矣

盛哉盛哉顧繼述既後賢之有人而中外且  
景企於無間所謂天下文章家者如此哉若  
夫文簡始終則香山黃公備矣吾請述先生  
四美三規為同志告如何是故敦念門墻以  
重廉鳴丁卯先生主試情鍾雲樹以思故舊當俎豆  
則主席以忘尊悼陽關則贈言而牽別是皆  
足以仰窺先生有挽俗而歸淳者在焉是四

美合衆美而一之者也若夫聞善類進則喜  
動緇衣見讒邪去則懷消永巷隱人惡則造  
謗者化是又三規所以切中士林而最要者  
也先生人品可觀於遙年不又類可推哉且  
先生當夫

孝廟臨宁文教日殷也嘗與二汪伯仲相友善  
繼之旦夕論思往還歌咏期以追風動於堯

舜慶嘗見而知之甚早且詳也君子謂先生  
禮遇弗衰於同官惡言不及於童僕今公之  
孫踵而施之乎寧國寅僚諸左右亦然則君  
子羨公家法無復窮期固宜然先生舉措於  
疇昔事之盡美業之可規者多矣姑即是以  
例見云耳况公之中丞嗣公郡伯嗣孫或以  
清風蚤茂川中或以嘉譽盛傳境外蓋橋梓

同芳君子以為難則夫東川遺澤不又遐且  
隆乎自茲而後以開來人以繼往哲豈俟區  
區蛙鳴而後知公道貫一時望隆百世哉雖  
然古云不朽有三先生兼總條貫皆舉之矣  
讀是集而三思豈惟士林吾尚望公之曾玄  
永言無斁並以覺吾黨者

嘉靖三十三年甲寅秋九月二十四日

東川劉文簡公集序

東川先生劉文簡公集凡二十四卷迺  
孫給諫君起宗授簡公集俾佐為叙既受以  
卒業則慨然歎曰嗟乎先生真我師也  
讀其文則莊重醇篤如冠倫之賢端紳  
笏立巖廊人望而敬之誦其詩則肅雝  
溫栗如振瑤珮遙鷓鷯宮羽徵角自中

節奏石齋楊公稱其著作務師古人晚  
益簡勁真知言哉當

敬皇帝時銳情在宥廷儒臣侍

經幄晉接

燕對疇咨治道雖綜核精嚴然待下最為  
有禮嘗

親御午門讞審大獄言官龐泮輩頌繫一



時輒救出之故諫行言聽邇

盛建焜燿于無窮直講啓沃之功先生居

多及

武宗登極昏極漸張晉翰長主京試論以為  
臣不易命題刻錄則以法語風焉天下  
傳颺翕服貂璫嘖嘖

宸衷知其心固忠精也及掌邦禮司

綸綍直講如故格心深至輿情以公輔歸  
之正德辛巳夏六月朔佐甫入翰林廁  
言士之末有

詔俾往受業將及門而先生薨矣嗚呼覲  
德末由而學已私淑先生真我師哉方  
是時天下隆平士大夫競以德業相砥  
礪邊隅不聳中州莫安倉溢紅腐庫餘

赤仄而皂卒口羞言錢矧為薦紳者乎  
嘗觀吾夫子之翼周易也至健惟乾有  
君道焉至順惟坤有臣道焉健非過剛  
也進德修業以師臣也順非過柔也主  
利正義以承君也故上繫惟言賢人德  
業下繫始及理財為義焉大學治平之  
道亦不過如此而已惟我

孝

武克程聖經以昭鴻化士以不辱為節刑以  
不用為祥財以不歛為富若先生者乃  
默袞燮乎其間豈非有用之儒哉生於  
其心發諸其聲達於其辭微諸其政則  
是集也其始

國史之副也夫先生及第在

憲廟成化丁未及長宮庶則在

今聖上

龍飛之初寔

四朝元老云

嘉靖下未孟秋既望中順大夫庶事府  
少詹事兼翰林院侍讀學士

經筵講官兼修

國史

王牒前南京國子祭酒後學香山黃佐撰

東川劉文簡公集目錄

卷之二

序

送太守喻君脩已任晉寧序

送晏調元雲南布政司經歷序

送太平守徐公時中考績還任序

送歐時和督運還任序

送胡克寬任南京太學序

送朱世亨澧州學正序

送太守朱君任袁州序

古渝十思詩序

送僉憲郭君明遠任江西序

賀萬母朱孺人七十序

叅議費公軌詩序

送太守晁君汝吉之慶陽序

送叅藩李君惟中任陝西序

送太守伍朝信考績還任序

送進士陳君五噐尹南樂序

卷之二

序



送貳守杜君廷宣任鶴慶序

送太守李君邦輔之柳州序

送郎中王君克勤歸省祭序

送浙江僉憲陳君汝德之任序

送鍾君元溥歸覲序

送丁希說尹臨潼序

送太守馬君汝礪還任序

贈余君良爵擢南京刑部員外郎序

送瀘州太守何君考績還任序

海屋添籌圖序

送楊君繼貞任靈臺序

南臺簡命詩序

送母君寵之尹臨海序

送學士吳君克溫之任南京序

送濮君延芳丞南雍序

卷之三

序

送邵憲副天衢之福建序

送太守徐君九霄之澂江序

送憲副黃君時濟任雲南序

送憲副夏君時雍之任山西序

送地官黃君鵬舉任南京兼歸觀序

周氏家譜序

送太守劉君達夫之任序

送楊溫甫守杭州序

送憲副余君誠之任福建序

送郡守屈侯考績詩序

賀陳君廷獻考績受勅命序

送保定太守董君萬英之任序

送太守黃君伯望之肇慶序

送同年楊君尚綱副憲江西序

送侍讀毛君維之歸省序

卷之四

序

壽逸菴先生詩序

送太守陳君天澤之開封序

賀侍御方君文晬考績受勅命序

賀侍御費君存仁考績序

送浙江叅政童君世奇序

使節壽親詩序

荆門州志序

送長史王君經濟序

送右史柯君斗南序

瀛海奎光後序

賀侍御陳君克謹考績受勅命序

理臺嘉慶圖詩序

送黃君通理貳尹永豐序

送太守姚君原學之任荊州序

送尚書李公之南京序

卷之五

序

送葉君一之被 召序

東萊郭氏家譜序

重刊劉涇溪批點杜少陵詩序

送貳守程君天贊朝 觀序

思菴野錄序

壽王太安人何氏詩序

百伐奇勛詩序

封太安人黃臺獻壽詩序

賀金太守汝弼晉秩序

青瑣馳恩詩序

送禮部侍郎吳公冊封序

送少方伯郭君進表赴京序

送潼川知州梁君赴任序

送別駕但君宗儒赴銓曹序

卷之六

序

壽陝西按察司知事蹇公八十詩序

壽節推孫君七十序

涪州誌序

送韓太守德夫序

五雲遙祝圖序

李氏宗譜序

賞靜軒詩序

送黃世昌赴省試序

送黃君啓輝尹蘄水序

壽華封君先生七十序

送溧水司訓鄒德深序

送山西按察司僉事黃君之任序

王氏族譜序



送建昌太守趙君叔鳴之任序

送憲副何公兵備叙瀘序

卷之七

序

送憲副李君致仕序

都憲王公履歷園序

送叅藩宋君孔瞻赴河南序

旌表節婦李母陳氏序

送山西叅政張君致仕還鄉序

送太守熊君之任臨江序

送中書舍人楊承家還鄉展墓序

賀員外郎劉君考績 封贈父母序

送都御史黃公之任南京序

太子太保禮部尚書田公致仕還鄉序

送侍御黃君鳴玉按治貴陽序

高戶侯家譜序

送鄴城尹席君文同考績還任序

送太守屈公道伸之任序

卷之八

序

送明府彭侯考績還任序

送太守張君之任序

望雲祝壽詩序

送楊君天民司訓富陽序

賀御史劉君大用榮滿 勅贈父母序

送按察僉事李君希賢提學浙江序

送伍君孟倫之黃州序

椿萱榮壽圖詩序

送鳳翔教授李君元之之任序

留還歸蜀詩序

送編脩魯君振之奉使安南序

壽太子少保兵部尚書兼翰林院學士澄江

先生尹公詩序

送徐推府政致還鄉序

送王君任瀘州序

王母孺人輓詩序

卷之九

序

送光祿牟克成致仕還鄉序

送揚天爵掌教洛南序

送御史任象之尹中部詩後序

送太學生國元振偕弟榮歸序

送戴景瞻判陝西徽州序

送太守王君乾亨任廣安序

贈千戶封德承襲職赴任序

哀典莊陰先生詩序

送鮑君廷璋考績還任序

送教授吳君廷圭序

送王君宗孔倅重慶序

送員外郎陳君任南京序

遠瞻雙慶序

送劉文臣教諭王田序

卷之十

序

送蘇祖禹司訓中部序

送吳汝和乞改官南京侍養序

送范廷用尹慈利序

送陳思遜倅山東運司序

贈御史趙君文鑑考績序

送周制中貳尹寶雞序

送唐敬之節判考績還任序

送陳君嘉言尹江津序

送宰闕城喻國器序

送戴惟賢任沅陵序

送貳尹柱敬之任吳江序

壽少司徒王公七十序

送太常少卿楊君省親還建寧序

贈費子美序

送都運邢君時望任長蘆序

卷之十一

序

送憲副金君舜舉之天津序

送太守張君之廣西序

送郝君立夫尹樂亭序

送羅山尹楊威之考績還治序

送長史胡君安節序

送涪陵太守廖侯孔秀考績之任序

城東叙別詩序

送吳養正南歸序

方伯吳公輓詩序



榮壽圖詩序

送俞憲劉君成已任陝西序

送揮使聶君仲輝襲職歸序

送丘君季玉令樂陵序

送麻城尹聶君承之考績還任序

送太守張君宗厚任吉安序

卷之十二

序

送太守王君克承之維揚序

壽王母岑太夫人八十序

送學士馬先生考績還任詩序

送進士江君廷搢尹岐山序

送判簿張邦賢致仕序

送甘泉令李先生考績還任序

送憲副王君以節之任山東序

較菴政蹟錄序

順天府鄉試錄序

武舉錄序

送提學憲副劉先生之任四川序

送同年大理丞陳君之南都序

壽封主事誠齋尹公八十序

送太守蕭君之任濟南序

送郎中陳君貳守鈞州詩序

卷之十三

序

東岡居士輓詩序

送徽州別駕李君時振序

西署三勝圖詩序

送少尹張君之任嘉興序

送上海少尹蕭宗漢之任序

送潛江司訓費君真卿之任序

送太僕少卿尤君致仕序

送僉憲曹君之任四川序

慶澤池 恩詩序

送太守胡君孝思赴任序

送都憲蕭公巡撫兩廣序

送主考學士汪君還 朝序

送杜生赴鄉試序

壽毛母太宜人序

卷之十四

序

送彭仲和還黃陂序

送李文明受職還鄉序

復齋遺稿序

送余誠之按治雲南序

送胡畏之提學雲南序

送蘇伯誠提學江西詩序

送楊君天民司訓富陽序

送太子少保劉公致仕還鄉序

頌德餘音序

送鄭世英司訓同州序

都門別意序

頌德詩集序

見素先生文集序

東泉居士輓詩序

引

慶賜詩卷引

卷之十五

記

榮慶堂記

瑞桂記

重建資聖寺記

重脩南川縣學記

任丘縣脩城記

宜興吳氏祠堂記

夾江縣魯公堰記

重脩東坡書院記

遂寧縣脩城記

贈常熟令楊公畫像記

涪州新建振武保治樓記

重脩延安府學記

拖泥灣遇風記

遊北巖記

大同名宦祠記

重建余肅敏公祠堂記

菊翁亭記

脩太平縣城記

重脩青縣城記

代保定侯梁永福襲爵謝表

先母夫人安厝記  
劉氏齋房記

通州儒學射圃記  
脩呂梁洪隄岸記

杭州重開西湖記  
南京吏部題名記

司馬王公別號荆山記

襄陵縣新脩文廟祭器記

南京吏部創置官舍記

卷之十六

誌銘



刑部主事呂君搏萬墓誌銘

義安處士湯翁墓誌銘

廣西布政使司左叅政金公墓誌銘

太孺人梁母張氏墓誌銘

彰德府知府馮公墓誌銘

謝母孺人林氏墓誌銘

西溪居士墓誌銘

國子生祝君彥華墓誌銘

韓天子墓誌銘

處士趙君墓誌銘

封孺人吳氏墓誌銘

封安人張氏墓誌銘

明故丘處士墓誌銘

李母徐氏孺人墓誌銘

明故承直郎懷慶府通判張君墓誌銘

封太宜人張母鍾氏墓誌銘

封太孺人張母房氏墓誌銘

明故戶部主事戴君墓誌銘

明故甘泉尹李君墓誌銘

明鄉貢進士楊直夫墓誌銘

卷之十七

誌銘

贈承直郎工部主事李君墓誌銘

明故思州府知府張公墓誌銘

明故封文林郎大理寺左寺副劉公墓誌銘

明故贈淑人林氏墓誌銘

明故耕樂居士朱君墓誌銘

明故舒處士墓誌銘

明贈戶部主事舒君封太安人高氏合葬墓

誌銘

明致仕重慶府知府沈公墓誌銘

明故處士陳君暨孺人田氏合葬墓誌銘

封戶部主事萬君安人朱氏合葬墓誌銘

明故處士熊君墓誌銘

贈監察御史張君暨封太孺人房氏墓誌銘

劉安人余氏墓誌銘

封監察御史盧公墓誌銘

樂山陳處士墓誌銘

封戶部主事侯公墓誌銘

鄉貢進士戴時章墓誌銘

明故刑部員外郎劉公墓誌銘

翰林編脩簡菴劉君墓誌銘

明故處士安公墓誌銘

卷之十八

誌銘

封戶部主事鄧公配安人張氏合葬墓誌銘

諸孺人周氏墓誌銘

處士劉君配孺人合葬墓誌銘

封府軍後衛經歷王公墓誌銘

封戶部員外郎陳公墓誌銘

明故治中楊君墓誌銘

愚菴李公墓誌銘

贈南京刑部主事何公合墓誌銘

明故晉寧州知州牟君墓誌銘

明故贈刑部主事粟君封安人衛氏合墓

誌銘

山東按察司副使陳公墓誌銘

明故江孺人曾氏墓誌銘

明故明威將軍施州衛指揮童君墓誌銘

明故資政大夫南京工部尚書洪公墓誌銘

明故淑人胡氏墓誌銘

明故鎮國將軍錦衣衛都指揮同知白君墓

誌銘

明故應天府府尹胡公墓誌銘

明故戶部主事蕭君墓誌銘

曹母陳孺人墓誌銘

卷之十九

碑

大名太守李公去思碑

岳州太守李侯祠碑

重慶太守何侯去思碑

明故通議大夫都察院右副都御史張公神

道碑銘

墓表

明故病隱處士王君墓表

山東按察司副使謝公墓表

明故普安州知州曾君墓表

明故太子太保兵部尚書閻公墓表

明故都察院右僉都御史王公墓表

明故司設監太監陳公墓表



祭封儀部員外郎巽齋張公文

祭徐主事文

祭安人張氏文

祭馬少師文

祭楊少師夫人文

祭外父蹇公文

祭同年高叅議文

長壽祭朱太守素卿文

涪陵祭劉宮保凌雲文

祭張都諫本謙文

祭安黃門母文

祭王時正太守文

祭蕭指揮祖母文

祭禮部吳尚書文

祭吳僉憲伯陽文

祭余副憲誠之文

安神主祠堂祭文

贈祖考妣告文

陞吏部右侍郎祭告祖宗文

贈考禮部尚書告文 贈妣夫人告文

奔母夫人喪歸告文 母夫人啓殯告文

卷之二十二

五言古詩

壽陳太史封君 壽毛狀元祖一百歲

壽程宗魯父母六十 壽蔣宮諭母太夫人

題太宰楊公邃菴

石淙精舍爲太宰楊公賦

城南會餞吳學士克溫有述

題樂耕手卷

題蓉溪送金廉憲舜舉

賦仰蘇堂

二首

題鄉賢祠祀曾子開

南浦三蒼

送馬汝礪詩

三首

題墨竹爲史都憲乃郎

送陳崇之巡按太平諸郡

送李僉憲陞憲副還鄉

送涂邦祥歸省

送秀水教諭王成憲分得下字

奉和匏菴先生板屋詩韻

和匏菴愛日對雪二適韻

和邃菴詠葵

和敬所內直選官房韻

次韻紀王戶侍徙呂梁惟水居民

輓伏羌伯毛忠

五言律詩

二月初四日 聖駕初出朝次韻

次劉工侍文煥舟中寫懷韻

題連枝手澤卷

題風泉閣

重慶院中

清淮迎養

栢臺司諫

驟馬行春

花縣鳴琴

不見梅

問笛

得漢雜詠

送友人

和馬先生雜詩

七首

和白先生補瓊林宴詩

和吳學士丁祀晚過湖堤

春行渝川和熊繡衣韻

輓徐州教授

七言律詩

文華殿賀歲

承天門候駕

郊壇分獻

慶成宴書事

元宵應制

錫宴禮部

大祀改卜

以宮僚錫文綺寶帶有述

四首

後五月十一日賜鮭魚敬所有詩用韻和答  
壬申五月十二日邃菴合九卿臣僚上章左

順門有詩紀事次韻

元日即事

己卯元日

冬月二十九日適懸弧二子一女舉酒爲壽

感而賦此用志喜也

得舍弟發解信詩以志喜時錄猶未至

四首

壽陳本仁司寇

壽陸司馬母

壽費宗伯伯母宜人八十

壽王太夫人

狀元母

壽張司寇乃翁封如其官

壽朱吏侍懋忠叔義官

壽周都憲偕夫人七十和馬紫厓韻

壽毛侍讀父母

壽羅通政父國子先生

壽鄒太僕少卿宗道 壽溫廷寶父九十

壽徐太安人朝文母 壽玉亞卿先生乃兄

壽馬都給事舜達母八十

壽吳黃門父梅莊

壽石季瞻給事中父母

壽陳寺丞母九十 壽趙繡衣父九十

壽宋御史父八十二

壽余邦臣母夫人時頌 詔還家

壽唐少叅八十

賦松鶴圖爲朱憲副壽



壽孫幼貞父母七十受封

壽封地官兄六十 二首

壽王郎中濟父竹坡居士

壽張員外父母

壽黃以文九十一

壽彭太守父

壽曲評事父七十一

壽封君

壽羅太監母七十

壽趙太監忠

壽唐指揮七十

壽夏秀才父八十

壽鄒處士母八十

壽饒義官父母六十

壽天壇道士

賀碧川楊先生視篆玉堂次文瀾韻

二首

贈長陽府輔國將軍直菴

賀張南陽太守

賀冉宣撫致政

贈魏撫軍士元

贈錦衣王百戶

賀黃義官

題邃菴體國堂

題石淙爲邃菴太宰

題張工侍光復堂

題大雅堂爲胡刑部大聲

題鼎養歸榮爲張司寇

兩淞文衡爲熊先生題

題芝秀堂

陳庶使入覲手卷

題大卿竹爲楊尚綱正郎

題棟花莊爲張僉憲

題懷春軒爲鮑同知德任饒州

題觀省卷爲毛世章僉憲

萱堂稱壽爲吳河東養正題

椿萱榮壽爲黃憲副師大父母壽

韓氏遺鑑爲大名守韓德夫賦

題椿荆聯桂

題世恩堂爲馬郎中懋

題賓月軒

瀛西歸隱爲李從直太守致仕賦

二首

爲屈太守乃尊賦八景

題觀瀾閣涪州廖太守建

二首

題異政亭卷爲南陽徐太守

題雷州秦守祠次韻司徒紘曾祖

涪陽餘意爲陳鳳儀作

題竹林聯桂送劉天儀弟及子赴試

題萬松書屋爲麻城劉隱士

題韓叅將手卷

題新居

爲宋叅將題松石

題涪陵張九經三知卷

題文貞祠 二首

題盛御醫菊卷

題茅山書屋

舟中有懷廖太守 二首

雲陽謁 桓侯祠

李渡書 英祐侯祠

題雲陽助順侯廟

送衍聖襲爵還

送徐閣老乃弟省兄歸

送焦閣老弟省兄還鄉

送孫戶書致仕 二首

送傅宗伯致仕 二首

再送傅宗伯

陸司馬全卿出師討賊

送王漢英司馬致仕歸

白刑書致仕

送焦禮侍奉使襄府

敬亭覽勝爲張刑侍封王過宣城送行

送都憲彭濟物總制四川征寇

二首

送彭都憲征蜀寇

送都憲蕭凌漢赴兩廣巡撫

送梁都憲巡撫四川

二首

送李子陽奉常南京 送楊應寧奉常

送李子陽先生省母南還

送奉常楊正夫還鄉省親

送王器之都憲致仕 送張學士省親

送張學士南京掌印

送王諭德先生乃兄省弟歸吳

送豐翰編父受封歸鄉

送鄒宗道太僕致仕歸

送倫狀元父還嶺南

送曲朝儀都憲巡撫寧夏

送李亞卿石城之南京

送吳克溫學士之南京

送羅允升司成之南京

送張希竇費狀元表弟

送王翰檢敬夫歸省 送沈良德使外國

送周司業祭掃還鄉 送羅允恕南還省親

送蔡從善陞南京 送馬鵬舉省親

送毛給事式之養病 送劉文煥侍御

送周廷臣御史清戎浙江

送陳子居天津收糧 二首

送吳緯之使江西 送余邦臣浙閩催賦

送鄧惟遠督餉宣府 二首

送王克勤郎中督糧薊州 二首

送溫廷器還定遠兼省兄少叅汴梁



送楊晉叔考功南還省母 二首

送洪郎中送母歸省父

送貢郎中斌致仕 送伍朝信秋官

送吳克溫乃姪 送張朝儀還信陽

送莫貴誠主事蕪湖抽分

送歐從龍大行 送王行人使朝鮮

送黃郎中仲實祭掃歸

送王澄之弟歸鎮海 送高振遠西歸 二首

送楊東升西歸

送傅邦用入貲給章服 宗伯弟

送毛以正西歸

送白崇之錦衣從征江西寇盜 二首

送劉時讓廉憲致仕 二首

送錦衣張指揮還京 送王躬還鄉 二首

送史公鑑赴四川叅藩

送蘇伯誠江西提學 送李希賢提學浙江

送楊中書祭祖安寧 二首

送劉提學憲副赴雲南便道省母次韻

送邵國賢分韻得春字

送羅憲副時太兵備瀘州

送陳憲副紀行

四首

送憲副楊尚綱赴江西

送少藩董德隅赴江西

送溫少叅還河南

送僉憲劉朝重

送楊正夫觀光趨庭

送嚴宗哲太守西安

送馬廬州汝礪考績還

二首

送吳孟璋守贛州

送汪德威任衡陽

送李邦輔太守次韻

送余良爵進表還鄉展墓

送郝立夫太守還涿州

送邵民愛考績還 二首

送鳳陽張貳守維 送沈良德太守

送譚元儀別駕任楚雄

秋江一棹送安南節推

送汪文淵節推赴九江

送李守模節推考績還任

送張進士以莊推官武昌

卷之二十三

七言律詩

送王憲副赴山東 送邵國賢提學江西

送劉伯儒繡衣刷卷雲南

送王隆吉太守赴開州

送郭魯瞻令濬縣

送路大尹至徐溝

名子俊

送陳大尹之孝感

送楊浩然尹武城

送柴蕙尹新化

送郭于藩調清河

送趙大尹任銅梁濬

送原善大使叔任安豐

送侯邦秩尹臨淮

送郭尹之任臨潼

送王朝璋縉知定遠

送李孟淵尹黃陂

送余良潔尹鳳翔

送吳養正運判山東

送蹇州判益考績還任

送劉天章貳尹崇德

送吳廷鳳貳尹縉雲乃公溥子

送沈企高判簿平原

送蔡中道教諭松陽

送李直卿教諭江陵

送張祐舉人掌教當塗

送董遵司訓南昌

送唐宗顏司訓南昌

送王司訓赴寶豐

送蔡珙司訓

送潘榮司訓海門

送司訓

送劉舉人天和

送劉昭著司訓嶺南

送周世望下第還

送楊生赴試

送蕭俊千戶

送僧人還鄉

送饒義官還鄉

送覺林弘麻上人還重慶

送醫士

錢伯誠石駙馬別墅次韻

楊石齋余世臣同錢馬汝礪於潘家莊并臨

河小亭賦

二首

宴杜鎮守甫環翠亭

已卯正月八日馬太守請遊真武山 二首

道出襄陽王憲副邀飲檀溪寺 二首

次日復遊穀隱寺會王黃門 二首

次日王憲副孫進士餞別樊城郵亭 二首

次涯翁雪酒詩韻 二首

次邃菴邀賞芍藥 次邃菴賞葵花韻

次邃菴先生齋居迎 駕

後五月讌邃菴先生所敬所有詩 四首亦次其韻

次韻送宗伯吳先生 二首

次北潭礪菴送悔軒宗伯 封玉周府



次一齋席上韻呈馬揚二先生 三首

燕秦都憲國聲水亭次壁間韻

次秦都憲國聲過呂湖

次吳通政三利溪

次克厚病中寫懷韻 二首

會飲邦彥宅次克溫韻 四首

齋居次秉德韻 次司直韻

次韻賀邦彥生子 次邦彥韻咏克溫燈

次韻送邦秀繡衣巡按甘肅 四首

次韓裕後憲副福建留別 二首

御史盧師邵熊尚弼在席中對菊詩次韻答

之二首

聞琴奏明妃出塞曲次韻

二首

次登君山

題吳宗伯甯菴予莊次石司成韻

四首

和秉德慶成宴詩

又自作

癸酉清明謁陵和敬所少宰韻

三首

和楊名父考功東角門問安

和馬先生禁直韻

因分直馬先生以詩慰疏闊奉答

和士脩夜直秋臺

和吳學士丁祀會東廂

和劉宗伯司直慶陳都憲汝礪 賜玉帶詩

涯翁閣老惠胡桃蕪示及詩用韻奉謝

和邃菴太宰賞紅梅

二首

再和韻

二首

和邃菴苦雨

二首

和苦雨聯句呈邃菴北潭二先生

和楊月湖宗伯登報恩寺塔韻

和悔軒宗伯韻

和碧川楊少宰四韻

和謝禮侍慰劉司馬喪子

二首

和馬先生浴堂吟

三首

和馬先生韻詠雪

和馬先生介夫宅上韻

二首

又和冬至寫懷

四首

和馬先生苦雨

二首

和馬先生韻

和吳學士苦雨

二首

又用前韻答石齋先生

和蔣誠之少司徒會乃弟閣老詩

和吳先生在維之席上韻

二首

和林都憲見素韻

二首

和林見素登平梁城

二首

和劉亞卿文煥韻兼書所感

和韻二首

和許文厚與熊尚友話舊十首

和聯句送石潭韻  
和邦瑞聞邊報

和韻賦五馬行春  
和錢與謙頌曆

因與謙索詩再和前韻

和克溫詠雪  
又用韻和雪山二首

再用韻二首  
再用韻詠雪

和九日賞菊  
和正之韻

和維之韻  
和維之齋居寺中

和維之惠移居詩  
和叅政弟致仕韻

和盧繡衣陪石齋浣花草堂

和盧侍御西巡贈言詩韻

和盧御史遊五福宮韻 二首

和熊御史清風亭韻送盧御史

和盧御史除夕涪江野泊

再和盧御史韻

和馬汝礪郡亭偶書韻用以贈 八首

和翟貳守韻 二首 和安慶余忠宣祠韻

和九江李忠文崇烈祠韻

和九日遊清涼寺韻 和登靈應觀草亭韻

和溫江移渡志喜

紅白梅

挽卞廬劉先生

吉水人

挽黎尚書先生淳

挽周尚書瑄

挽崔尚書

挽王司馬竑

挽楊兵侍文寧

挽盛侍郎顥號米壑

挽新寧伯乃祖

挽屠少司寇父

挽屠少司寇母陸氏

挽趙廷實都憲父

挽鄧侍講母

挽王編脩父梅軒先生

挽吳編脩父可晚先生

挽王通政漢英父母  
挽御史

挽陸叅政

挽王憲副父

挽秦郎中父

挽歐時舉庶吉士次韻

挽周太守

挽周太守正

挽劉主事父母

挽李主事母

挽林泉翁鄒處士忠公後

挽耕讀居士

挽華處士

挽撫松鄒處士

挽良惠沈氏醫士

次衡仲弟韻送大叔信之

聯句



清明與武翰長毛維之謁陵 三十首

後五月初八日太宰邃菴少宰敬所看花於

左廂 一首

次韻 一首

聞王師破群盜邃菴北潭於部堂考選

送周甫敬守廉州

卷之二十四

七言絕句

元宵應制 三首

賜錦 二月

邃菴惠園中匾豆絲瓜江豆奉謝

伯疇惠端硯口占二絕致謝

謝思進寄惠脩詞衡鑑并筆

播州十二景爲楊宣慰題

東莊八景爲任進士作

漫書

十首

秋霜碎草爲李舜在御史題

題鳴珂清趣

二首

題琴棋畫

二首

題松竹梅

三首

題毛禮侍松鼠

題李侍御遂之便面

題靜菴卷

題菱湖居士卷

題翁爲袁鳳儀

題便面送舉人

爲鄭太監題竹

又松

題鴈

又禽梅

題畫 二首

題小畫

題百鳥朝凰圖 二首

題畫犬

題畫猫

題便面

題扇面

題扇

送賈鳴和兄善傳神

題扇贈魯舉人

送萬模主簿鉛山

送葉仕奇大冶主簿

送楊典史弟時會京師

送蒲相士

和楊太宰待隱園即事感懷 二十首

和邃菴藥欄漫興 八首

和邃菴咏葵 三首  
和白先生韻 壬子

和馬先生書堂雜咏  
和秉德韻

和梁汝玉寄韻 五首

和叅政弟鳴鳳山莊韻

和叅政弟致仕韻

又次韻課兒課耕 二首

次韻送紫厓學士  
次北潭齋居

次韻象戲答梁汝玉太守

挽周侍御母

五言絕句

和白宗伯怡靖齋

四十首

次劉司空南峰舟中感懷

三首

六言

題秋江遠意

二首

七言長篇

平西夏歌

壽留耕翁揚閣老父

題邃菴太宰江鄉雪意

題李宗伯山水圖

又

承恩雙壽圖爲賈編脩父母

題龍爲潘以正方伯

題山水圖爲李錦衣旻

題毛太守禽鳥圖

瞻雲將使卷爲盧儀賓

秋香玉兔扇面

戲嘲謝解元便面溪林牛牧

題畫

二首

又

題桃源圖

題牧牛圖

送紫厓學士考績還

送毛太守考滿還重慶

次邃菴聽鼓明妃曲韻

次邃菴蟠桃園韻壽楊繼貞大尹

和蔣閣老送重慶郭通判用章詩

次韻題黃鶴樓

去思賦

跋趙松雪真跡

東川劉文簡公集目錄終



東川劉文簡公集序

東川先生劉文簡公集凡二十四卷廼孫給諫君起宗授簡俾佐爲叙旣受以卒業則慨然嘆曰嗟乎先生真我師也讀其文則莊重醇篤如冠倫之贊端紳笏立巖廊人望而敬之誦其詩則蕭雝溫栗如振瑤珮筵鷓鷯宮羽徵角自中節奏石齋楊公稱其著作務師古人晚益簡勁真知言哉當

敬皇帝時銳情在宥延儒臣侍

經幄晉接

燕對疇咨治道雖綜核精嚴然待下最爲有禮嘗  
親御午門讞審大獄言官龐泮輩頌繫一時輒赦  
出之故諫行言聽邇

盛臈焜燿于無窮直講啓沃之功先生居多及  
武宗登極昏椽漸張晉翰長主京試論以爲臣不易  
命題刻錄則以法語風焉天下傳颺翁服貂璫  
嘖嘖

宸衷知其心固忠精也及掌邦禮司

綸綍直講如故格心采至輿情以公輔歸之正德  
辛巳夏六月朔佐甫入翰林厠吉士之末有

詔俾往受業將及門而先生薨矣嗚呼覲德未由而學已私淑先生真我師哉方是時天下隆平士大夫競以德業相砥礪邊隅不聳中州真安倉溢紅腐庫餘赤仄而皂卒口羞言錢矧爲薦紳者乎嘗觀吾夫子之翼周易也至健惟乾有君道焉至順惟坤有臣道焉健非過剛也進德脩業以帥臣也順非過柔也主利正義以承君也故上繫惟言賢人德業下繫始及理財爲義焉大學治平之道亦不過如此而已惟我

孝

武克程聖經以昭鴻化士以不辱爲節刑以不用爲  
祥財以不歛爲富若先生者乃默襄燹乎其間  
豈非有用之儒哉生於其心發諸其聲達於其  
辭徵諸其政則是集也其殆

國史之副也夫先生及第在

憲廟成化丁未及長宮詹則在

今聖上

龍飛之初寔

四朝元老云

嘉靖丁未孟秋旣望中順大夫詹事府少詹事

無翰林院侍讀學士

經筵講官無脩

國史

玉牒前南京國子祭酒後學香山黃佐撰

東川劉文簡公集卷之一

序

送太守喻君脩已任晉寧序

成化癸卯余同舉於鄉者舉進士外凡若干人皆以序受職而爲州守者纔三人嘉定劉介之於夷陵江津鍾畏之於金州及今晉寧則喻君脩已也士自大舉一舉而至大夫之列荷專城之寄不可謂不重且榮矣脩已行諸同年居京師暨縉紳大夫咸謂余當有言以叙行李乃告之曰古之君子其窮居猷畝也飭躬勵行博物洽聞用則以其所得於已者行之以

澤於民以利於世非有所利而爲之也故大用之則大利小用之則小利即不得用亦以行誼著聞今之士皆有所利而爲之耳平居侃侃論天下之事若頡頏於古之豪傑視世之繩趨尺步者瞠乎其後及旣用則利趨欲征患得患失無所不至而畧不恤物議之及名教之隳而况肯造福於民効忠於國者乎余所目擊者多矣蓋其律已也無清約之風其勵志也無遠大之望而其所以處心積慮大要孔子所謂鄙夫孟子所謂失其本心者耳於乎使皆若人則上下亦何所賴而士之與齊民亦何所輕重耶脩已明達

謹恪俊爽負幹局平常言語呐呐然如不出口而其  
處事條理精密不遂時爲好惡其志向尚友古人而  
不屑乎今之所爲也甚矣晉寧之往盖信乎豈第君  
子民之父母者余同年比仕中外皆以清慎忠勤著  
聲績而余獨綿薄不能少有所裨益於時恒自愧焉  
而恨不可得郡邑以自效於脩己之行切有所企慕  
也滇南距京師萬里而晉寧當滇南要衝脩己行其  
聲實之流於

天朝也豈以遠而弗至乎

送晏調元雲南布政司經歷序



晏君調元世家重慶其先大父叅政雲南父典教崇陽吾重慶號大郡而晏蓋郡中之著姓者自調元大父而下其諸父有曰邦義者以鄉進士官漢中同知曰邦制者以進士官兩浙運使其餘典教郡邑庠叅郡幕貳大邑以及育德庠序者凡若干人一時衣冠文物鄉族罕比嗚呼亦盛矣哉始調元在鄉校性穎敏善讀書凡士大夫之賢而有德者樂折節事之而人亦願與定交今年夏謁選銓曹占上第乃得叅謀大藩夫人起家紆朱拖紫非不聳觀一時然少有及於身後而不泯沒者以叔教爲楚相而其子猶至於

負薪况其下者乎今晏氏子孫之盛如此豈天之委  
和果萃於德門耶或曰天道好還故人之功德行能  
著於時則子孫必有昌大於後者昔漢元侯鄧禹嘗  
曰吾將百萬之衆未嘗妄戮一人後世必有興者後  
果累世寵貴一時簪纓食祿者不可勝數史稱東京  
莫與爲比若晏氏者上世隱德弗輝自叅政公歷守  
三郡貳大藩皆有惠政今幾三十年所在人猶想慕  
其風采則其後世之多賢無或怪也雖然先世所以  
開其源者盛矣爲若後者尤在於疏而導之晏氏之  
賢吾未盡知所最信者如同知公倅澂江誠心愛民

律已無毫髮玷故雖遠夷猶知有晏通判及引年無  
異未仕時則其所以䟽導之者亦至矣調元之往如  
又遠考烈祖遺風近守諸父家法使滇南人沾沐休  
澤必有稱頌之曰是昔某之子若孫幸無爲有力者  
所奪也庶幾先世益末終譽否則人將指而議之曰  
晏氏遺澤其後皆爲能官惟自某而不振嗚呼可畏  
也哉調元濱行鄉進士魯維臣繪圖贈別而士大夫  
皆賦詩於上以春忝執史筆故退爲之序

送太平守徐君時中考績還任序

循吏之傳昉於司馬氏厥後作史者皆祖之余嘗考

其說循吏者奉法循理而不恃威嚴也則士之有一命於其君者皆能爲之然自兩漢以來代不過十數人古之人以庶民安其田里歸良二千石又以刺史爲治人之本故凡著治理效者輒增秩賜金或璽書勉勵公卿缺則以次用之其重如此宜其循吏史不絕書也而乃積數十人間見於上下千百年之內及究其治狀不過曰謹身帥先不嚴而民化曰所居民富所去見思而已世之仕者大都有三有役於才者其視居一郡縣不足以展所負則務舞智興事以取赫赫之聲若平易近民不屑爲也有溺於名者則非

情於所事矣乃迫於進取故惟善事上官以無失名  
譽其於抑末敦本求瘼卹隱不力任也又有局於才  
者則其心固急於仁愛矣然馭於繩墨不能興革利  
害古今人不甚相遠則循吏之間見者固其所哉太  
平守徐君時中舉成化壬辰進士初令內鄉治以廉  
平惠愛聞三年擢御史著風裁清戎畿內發奸摘伏  
人畏而德之弘治戊申太平守缺員君乃以才望往  
踐其任至則本其愷弟之心持以清儉之節輕徭薄  
賦裁省浮費務思息肩於民不恃刑罰爲治故郡自  
有君民安其業士安其教姦不能容桀健者無所恃

以推於閭里蓋古所謂循吏者也於乎世方重內輕外故有志於古循吏者亦或不能不變於俗雖以古之社稷臣猶薄淮陽况其他乎如君所存所施盖有所守者也其名位事業殆不可禦今年考績來旣書上考將還余友濮宗虞諉以言贈故不辭而論其大者如此君持是不變固太平之福亦吾黨所藉以增重也

送歐時和督運還任序

眉山歐氏有曰時毅者成化辛丑舉進士爲吏部尚書員外郎時余少且賤以在鄉黨後亦與聞家世之

盛矣丁未余與其弟時振舉進士乃得定交焉時振  
精敏博洽尤諳歷經世事顧余孤陋幸不鄙棄得資  
益多竊嘆時振有用之器異時必樹勲業以增光同  
年者未逾時其兄時和復自檢校蘇州至又得與定  
交則信所謂元方季方者果難爲兄弟也於乎賢哲  
之出於天地間皆鍾其氣之精純不雜者故一郡一  
邑群億萬家通籍食祿於一時者多極十數人或四  
五人猶以爲盛歐氏一家乃得三人焉而又非尋常  
竊祿者伍天地精純之氣固有不鍾於一郡邑而萃  
於一門者耶吾蜀在昔多兄弟之賢其最者在宋閔

中陳氏曰堯叟堯佐堯咨皆以功名振耀於天聖咸平之間至景祐眉山蘇氏曰子瞻子由者復以文章事業重當時而垂後世歷元及今賢哲之出如陳如蘇者雖不少然皆散出於他郡邑或數十年後若兄弟之聯肩接踵顯於時者則寡矣余嘗究其所以豐嗇而不可得或者乃曰至和之氣運於兩間物得之而爲鳳凰芝草爲連理木爲同穎禾毓秀揚芳異於常物人得其氣之尤精者則賢哲之出於一門殆無或怪也顧氣之精英不可常得一有焉人稱之史書之其所以間見特出誠有不偶然者然則歐氏兄弟



之賢豈易得哉時和在蘇州以勤恪見器於達官長者蘇爲江南大郡歲輸邑所賦充

上供及百官廩祿非賢而有才者領之鮮不負於官而擯於下故時和常以賢見勞今竣事還凡在時振同年及同鄉者皆喜而賦詩贈之屬余序諸首簡於乎時振方以清才主事夏官職方綽有餘裕今時和又以能舉職爲上下所信任則吾蜀兄弟之賢豐於前而蓄於後者豈有待於今耶審如是則人之所以望於時和者不淺而時和之所以副人望者當有在矣余不佞因書而俟之

送胡克寬任南京太學序

安莊胡君克寬成化丙午舉於鄉明年丁未登乙榜授司訓吾蜀之巴縣學克寬明爽謹飭恒以作養人材爲重故自蒞任士之勤者勸之惰者起之欲進而不能者躬訓督之余居京師每接吾鄉縫掖之士問其仕于郡邑之賢者則必以克寬首稱或郡邑大夫至問其屬吏之賢則亦曰克寬竊嘗愛而慕之比歸觀家居則見其接人之恭律已之慎誨人之勤皆有儒者家法焉余於是信乎得諸人者不誣而克寬之所自致亦非汲汲於名者矣弘治丁巳秩滿考最晉

南京國子監助教瀕行吾鄉之大夫士相率謁余言  
送之我國家建學育才兩監並設於南北黌宮分  
布於郡邑所以求賢圖治之典密矣而師儒之位又  
恒遴選儒術之老成者不輕取備員也或厭其遲  
晦則又酌敘遷之例以激厲之則任之固非輕而用  
之亦不狹矣且郡邑之學萃士之秀於郡邑者耳大  
學則天下之士所萃也士以儒術致身被

天子之命群秀於郡邑之人而爲之模範要非俗吏  
可伍又進而群秀於天下之人于以爲之模範焉則  
其重宜如何而克寬之所遭值豈偶然哉夫量其材

而昇之任者在人因所任而竭其力者在我然則克  
寬之在人者已不負而益盡其在我其名位之來當  
迫逐而不舍矣克寬名裕其父在泉道人用薦不仕  
今願老於家而克寬之所養盖有所本云

送朱世亨澧州學正序

聖天子繼統深惟得賢圖治化本師儒乃

詔銓曹以今年春會試中乙榜者任之吾鄉朱君世  
亨遂得司教於楚之澧州濱行語余曰今世儒官人  
皆卑而易之不屑爲昌也何敢但大懼不能作養人  
材以副 聖明簡任之意耳先生得不靳一言以教

東川集卷之二  
之乎余辭不獲則曰士方窮居朝經暮史務綴文以  
取科第所以求祿仕也其於居官臨民之事固未嘗  
試之一旦委用若有不易爲者世亨之職教耳亦有  
未試者乎諸生所讀即向之朝暮所究心焉者也所  
言即向之探索有得而書之者也然則以其業於已  
者教於人固非若未試而措諸用者其有弗稱乎抑  
吾聞范文正公家居集慶晏丞相爲留守請掌教事  
公宿學中訓督學者勤勞恭謹以身先之四方從學  
者輻輳厥後擅文學之聲於時者多其所教也嗚呼  
文正時已舉進士爲大理丞膺留守之請猶能恭謹

著勞效不敢有卑易不屑爲之心如此宜其道德重  
當時出將入相爲一代名臣也今世亨初釋褐受  
天子之命以司教於一方不戚戚懷時俗之見其所  
養正矣又以身教如文正不稱非所懼也雖然昔之  
儒者論文正所學必忠孝爲本所志必先憂後樂所  
爲必竭其力不以富貴貧賤休戚少動其心世亨往  
矣尚亦論其世哉無其心而逐其跡爲其事而不獲  
其功吾未之聞也

送太守朱君任袁州序

文章政事果出於二乎古之人養于中者深厚叵測

發于外者閎肆不可涯故舟楫霖雨所以衍有商三  
百年之統者偉矣而實載諸說命之三篇雖周公制  
禮作樂際天蟠地而其無逸立政諸篇所以化成天  
下之具者蓋已蘊于中則文章政事豈出於二哉自  
後世教衰禮義不明乃或有支離決裂岐而二之者  
故談文章者率工記誦綴緝而詆吏事爲俗論政事  
者率崇督辦催科而諷儒術爲迂至宋歐陽子亦曰  
文章足以潤身政事足以及物若有所激而云者雖  
然亦豈以兼之者爲非邪儒者之論有曰窮經將以  
致用又曰學者將以行之也其不盡然者則以局於

志限於才固有所不能耳以其不能兼也於是乎功業之樹立遂流一偏而人才之成就隨之乃以爲儒者大言無當不適於用於乎儒者之學果如是也耶吾長壽素卿朱君宿負奇氣英敏特達初會試登乙榜司訓麻城非其志也乃窮經考史擁臯比達旦不寐與諸弟子講解勤勤懇懇不色倦而其所造詣日深秩滿就試遂上第則豈獨文章之廢而已乎已而官大理職在叅駁多所平反奏當之成出其手者人稱不寃邇 詔脩會典採錄奏行條例于諸司君任其事又法比大繁罔折于中 上命執法諸大臣序



次其可著式者成編君借二三屬吏寔專任焉則豈  
但政事之美而已乎然則若君者其所成就有流于  
一偏否也比者用大臣薦擢守袁州鄉之縉紳大夫  
既賀其登進不次又諉余言贈之夫以君今日之所  
養蓋不待其視篆下車當逆知其聲聞翹然大江之  
西矣而余所竊彈冠以慶者則袁州在西江號難治  
故在昔受任而往者恒慎擇焉而多以治績垂休聲  
若其兼文章政事之譽者則如韓昌黎祖擇之張敬  
夫汪聖錫葉鎮之輩至今猶爲烈焉而其所以振吾  
儒之效于前者不小也君茲往論其志必不肯局於

所當爲而不爲論其才必不患限於所得爲而不能  
爲衰之人固有幸會于其間矣而吾儒者之效又得  
暴白于天下使世之人不槩謂文章政事之不能兼  
而有也不亦善乎余知君之深者也敢預以告而俟  
之

古渝十思詩序

重慶太守董侯汝淳蒞任未一年以憂去去之日民  
之思而泣送者雖耄倪亦屬於途至婦人女子不可  
出則亦咨嗟怨訴於室於乎是何其得於人心者如  
此也蓋侯忠信明斷學有本源故其爲政力務敦本

崇實厚俗化民之事而其孜孜爲民之心則利在所  
必興害在所必除畧不以毀譽得喪少移而其身之  
所率則又有以信於人初非矯飾於外以爲之其感  
民固宜侯旣去士大夫之能言者乃酌民之情播之  
聲詩詩凡若干首則又比其類而析之爲十思曰思  
正大思平易思清白思儉用思養老思興學思省刑  
思薄賦思息訟思禁奸集成帙余得而閱之夫民心  
至難得也故仇讎赤子之念恒在於斯湏反覆之間  
有不可以習俗論者嘗觀漢九真交趾蠻寇亂廷議  
擇祝良張喬者爲守開示慰誘蠻皆降散致爲良築

起府寺是蠻夷亦無不可得其心者矣嚴正誨爲貝  
州刺史不悅於民將去官民相率謹譁手瓦石胥其  
出擊之是雖中夏之民失其心亦無不致變者矣然  
則推民之心以考侯之所施爲固宜有大得於民者  
而詎止所謂十思哉十思特其目耳世之巧宦者好  
立竒釣異動與人殊故竭民之財盡民之力勤日夜  
以馳騖於赫奕輝耀之事視敦本崇實厚俗阜民若  
不屑爲者而民之思愛念慕則在此而不在彼焉所  
謂民至愚而神其信然乎余因爲之序於乎安得如  
侯者數輩布諸天下之羸邑俾當宁軫民之懷爲

之一釋然也

送僉憲郭君明遠任山西序

國家用人或以名舉或以才揚或以資進非一途也而於執法之臣則又有出於三者之外焉蓋法者所以維持人心之具也過則刻不及則縱苟非持心近厚而見事析理英明果斷其於議擬操縱之間鮮有不失其當者一失其當則法爲之壞而召災致怨如東海孝婦固不難測所以用人者可少忽哉肆今典則凡官於內外法司者其陞遷叙用恒皆出入於中非其人不用所以重其選也重其選所以重其

法也吾友富順郭君明遠爲南臺御史凡幾年會起復擢山西按察司僉事蓋明遠在南臺聲實茂著初巡察南京倉儲禁捕沿江諸路寇盜皆剔姦剷蠹所至凜然人藉以按堵尋奉 璽書清戎秦隴盡心所事課功論績爲最而其冰玉之操則瑩然無瑕類是豈徒以其才名資歷之所宜而已乎大臣之所以論薦 天子之所以任使不輕而重也較然矣鄉之諸縉紳喜其鴻漸之進而諉余贈之而余所欲告者則顧明遠之所旣聞者矣夫古之制刑所以弼教而失禮則入刑非但欲割剝箠擊而已也自夫議事制辟

之論興而張湯趙禹之徒用於是深者獲公名平者  
多後患非先王制刑之本意矣而今之用法者又率  
畧於上而密於下嚴於無知之民而縱於黷貨之吏  
明遠試思之哉夫以無知而犯法在古人猶矜疑之  
欲必赦况不能明示法令使知所避忌又從而執之  
乎山西古堯舜所都民貧地瘠著於唐風其所由來  
久矣民偽之滋雖勢所必至而用法者尤所當察語  
曰如得其情則哀矜而勿喜明遠行矣試誦而贈之  
賀萬母朱孺人七十序

壽者五福之一也古之人愛其人則恒以之祝願致

跋慕欣望之意故臣之於君若天保之詩曰如南山  
之壽不騫不崩子之於親若豳風之詩曰爲此春酒  
以介眉壽非但臣於君爲然也雖君於臣亦有之蓼  
蕭之詩曰其德不爽壽考不忘是已非但子於親爲  
然也祖考於子孫亦有之信南山之詩曰曾孫壽考  
受天之祜是已是皆出於至誠懇惻之念非有所假  
於外而然者至愛其人而上及於其親以壽之則亦  
情之所至而禮之所不廢者乎陽信中翰萬君瓘之  
母朱今年甲子屈指七十矣廼十又一月望前一日  
寔衣裼之辰太僕丞金君達卿獲交於中翰思所以



壽之而屬余以言達卿之致愛於中翰者豈但聲音笑貌而已哉惟壽之得在天者也德之脩在人者也在天者雖未可以意逆而在人者有可以力致故世之人未有不盡其在人而得其在天者也余聞達卿之言有曰母自正統間從中翰之父僑寓京師凡壺以內之事皆力任之其勤無廢時其儉無廢物而慈惠柔懿內外稱之有子二人則相教於內各因其材性故家田昌大業日饒裕若數世土著焉者而中翰之事母益得以竭涓澗之養適寒暑之宜以無戾其天和則母之壽其亦有所自耶然則非是母不能有

是子非是子不能有是母母之壽自今其益無涯哉  
古人論壽以八十歲爲中百歲爲上如母之賢其壽  
固未易以歲計也余不佞尚執筆以頌上壽之賀

叅議費公輓詩序

自紉謳虞殞昉於古而後世王公大人幽人逸士以  
及孝子貞婦其生也有德善功烈勲勞行誼被於人  
則其沒也人莫不衰之哀之而不得泄其情則爲之  
詩歌詞誄以寄其痛悼不忍之意此諸縉紳於少叅  
復庵費公所以有輓詩之作也公從子贊善君集成  
帙畀余序之余閱之既則凡所以哀之者至矣而其

事則詩家大旨固有所不得盡試以其大者二序諸  
紀事之餘余嘗道出呂梁百步二洪其巨石齒列波  
流洶涌舟行舟子稍失手則不可捄而兩岸崎嶇挽  
牽者無所用其力行者至此輒危甚或過無事成相  
慶有若歐陽子至喜之說者越數年見之則其水瀾  
漫有所歸亂石湍流之勢盡平而牽道如砥雖中夜  
亦不縱舟上下乃詰之人曰此費都水築隄之功也  
蓋自此功成舟無覆敗而人獲安流都水之功其可  
忘耶此一事成化丙午都勻苗民困於武官之脣削  
肆爲剽掠以快其出爾之圖一時守臣章三四上請

征之 廷議難踰度 宜遣負才識者相處圖方畧 僉謂莫如公 乃偕御史鄧宗周者行 公至察之 則知苗民非負固也 但撫諭之而定 識者曰 公之檄賢於數萬師矣 越癸丑 幸事者申前請 遂出師 乃不遺一鏃 直襲巢穴 俘其旄倪 若干人 歸而行旅 主客之殲於 售首級者 亦無數 其師無紀律 如此 至於軍儲之屑 越靡費者 不可勝計 而一時以功冒賞者 亦如之 至是 識者乃嘆曰 使費公在 執前議 何以至此 其死者 曰 吾往年已分罹兵刃 是費公活我數年也 此二事 於乎 是二事者 其功能才識 當何如 而乃位止叅藩

壽不及中上豈所謂天定勝人耶是可哀已雖然世之以官爲家而不知止者多客死無子孫在側或有之而不肖則暴露旅次哀動行路公晉秩貴陽即因奉表京師銳然乞歸旣歸優游桑梓者一年而後易簀子孫滿前蓋可謂生榮死哀者矣則天亦何嘗不相之是不可謂人定勝天乎余與贊善君同舉進士嘗得親公風範知公深而二事則得於目擊耳聞故叙之如此若其德行之積於身而刑於家以施於官守則尚有名公志銘所述可考於此可以畧矣公諱某字某別號復庵云

送太守晁君汝吉之慶陽序

先儒羅仲素有言凡立朝之士當愛君如愛父愛國如愛家愛民如愛子又曰凡人愛君則必愛國愛國則必愛民未有以君爲心而不以民爲心者於乎是豈特立朝當然哉凡一命之士苟以是爲心固無施而不可也吾友宜賓晁君汝吉舉進士爲刑部主事晉員外郎幾十年博學有文而尤以才識英悟稱故事部置本科擇屬之行能穎異者二三人於中覆閱各司所上奏案汝吉與焉徃歲 聖天子軫念民艱欲得人以司代理 詔公卿各舉所屬君亦首列蓋

其聲實之流信于人而結知于上者素矣廼慶陽守  
闕銓曹䟽君名補之而鄉之縉紳屬余言爲贈慶陽  
於春秋爲義渠戎國居關陝西北薄近邊塞世號難  
治所謂難治者非以其徼訟惡俗及大家豪右之吞  
噬難制也地廣而人不聚稅額羨而取之常不足耳  
汝吉往矣 聖天子所以簡命明公卿所以推擇豈  
泛泛然無所槩于其間哉而余所以致私幸于慶陽  
者則仲素之論其將有合矣夫慶陽古北豳地史稱  
其俗好稼穡務本業有公劉之遺風焉則安土重遷  
固其性也而今乃輕于轉徙視鄉國如僑寓然以其

轉徙之易也則人有遺力地有遺利而賦稅之不克  
勢所必至於是乎上之督責益急下之逋負益甚而  
難治之名歸之矣若汝吉者其愛君愛國畧見於  
法比之詳謙固已騰播不可遏則推以治民殆猶沛  
霖雨于旱暵之時酌七劑於沉痾之際余固爲慶陽  
之民致私喜焉者也抑余聞劉士安論理財曰戶口  
多則賦稅廣故理財必以養民爲要胡致堂深有取  
于其說以爲爲守爲令當力行者然則汝吉行爰用  
是致愛助之意若夫逐時好以要譽飾文具以取容  
則非汝吉之賢所願聞也亦安敢喋喋于驪駒之餘



我

送叅藩李君惟中任陝西序

此陝西邊陲弗靖巡撫臣以藩司總督糧餉者非其人乃疏請罷去而求簡廷臣才識之穎出者代之上報可於是吾咸都李君惟中以刑部郎中陟叅議往踐其任蓋簡命也君之先以戎籍入蜀累軍功至咸都中衛副千戶君當嗣志不屑乃治舉子業其攻苦食淡不異寒士遂領成化丁酉鄉薦辛丑登甲榜不可謂有志者事竟成乎繼以例出宰涇邑寬而不縱嚴而不虐聲稱大振撫巡諸公交章薦其治狀

者歲不虛越三年超拜刑部主事其在刑部則議法處辟悉合人心嘗奉 璽書審錄畿輔諸郡邑重囚得平反者多蓋其老成練達出於公卿之推重以受知於 上久矣則茲往固惟君爲宜也君濱行同鄉之縉紳屬余贈言惟陝西古秦隴之地西迫犬戎夷虜之性出沒不常故 國家於三邊恒宿重兵守之而糧餉之給則關中者不足復仰給中州轉輸又不足則時出內帑若干爲助蓋藩屏之繫固中國所恃以安危也顧其地非舟楫可通歲豐則粟米狼籍雖遺秉不爲寡婦之利一少侵老弱即嗷嗷待哺壯者

視去其鄉若傳舍則地雖存而人力不盡宜其賦歛之難矣加以邇年征輸百出民雖有安土之心亦不勝有司之苛歛則糧餉之難於羨溢固非但有司之罪也然則惟中往矣而於此得無亦繫於中否乎古之人固有謂催科中撫字者如君之持心飭行誠以治涇之惠愛施於閭閻之民而以刑曹之平恕繩夫姦慝之輩則庶幾民艱土著之懷而益得盡力於農畝吏有懷刑之念而不肆腴削之志於疲民如是而賦稅不克糧餉不足未之有也嗚呼舉賢而代不賢則豈但民之所望不輕而已哉惟中往矣英聲茂實

吾輩固日側耳於燕臺之上也

送太守伍朝信考績還任詩序

往歲伍君朝信以翰林庶吉士爲名執法擢守寧波  
命初下談者曰寧波浙東劇郡也其政務之紛運訟  
牒之猥集不患乎朝信艱於應處惟勢家要族之難  
得其心耳蓋朝信奉法自守之士也奉法則私不能  
容自守則欲不能奪是皆弗利於彼者稍弗至則青  
蠅貝錦豈難於鑠金銷骨乎余曰此非所以爲朝信  
慮也蓋寧波詩書之鄉達官碩儒自古有之不獨今  
爲然故仕於其地者往往致聲光不泯如吏之所稱

有曰一字判者非其奉法不遺乎有曰清直終始不變者非其篤於自守乎顧士之自處如何耳果確於自信而利及人人未有終能闕之者蓋勢家要族之人固不易得其心也而其所恃以輕重者則固世之名賢哲士夫豈不思所以澤其鄉人哉抑豈不思所以自爲哉已而朝信別去不數月余嘗屬耳焉則嘉績善譽日異而歲不同而觀風者剡䟽亦以時至余因以自信君子之有志於世者無往不可行正不當泥時俗之論而先自毀以從於邪道也歲之辛酉朝信考績至余竊喜其政之成而同年舊借在翰林者

無日不聚處論舊故未幾當復任乃各倡爲詩詞送之而屬余爲序既受以從事復書所私念者以識余之倦倦又嘗見世之詆笑不諧世務者必指曰翰林翰林未有以應也如朝信者不自翰林耶古之人固謂頗牧在禁中今西陲羽檄不絕九重宵旰靡寧嘗詔用人者不拘資歷惟酌其才望所宜而任之如朝信之英識通才其在藥籠中久矣柄用之召將有期乎朝信往哉尚益慎所履九仞之山虧於一簣而太山之雷可以穿石大用遠到吾儕固恃君以解嘲者也

送進士陳君五噐尹南樂序

說者曰天下之民力竭矣而畿甸爲尤甚古者王畿之地有九職以任民有九賦以取財有九式以節用蓋所以休養生息之者甚至所謂王畿之內人心安止則四海之大皆在統理之內也後世此制廢壞及於今則征科色目日益月滋加以仕于其間者類貪進耻退要結名譽視奉法循理孜孜愛民者若不利於時而民所由重困矣烏乎識道之真者不眩於東西審音之正者不惑于雅鄭然則必有豪杰之士布諸郡邑而後吾民有所息肩乎進士莆田陳君五噐

端厚謹恪其尊甫闇齋先生隱居教授君與伯元五  
瑞從兄子居親承指授自相師友故五瑞舉成化戊  
戌進士改翰林庶吉士授給事中子居舉丁未進士  
官戶部主事至君乙酉舉於鄉掌獻庠教而其志不  
少懈也乃今春遂登第不可謂篤志之士乎比受  
命尹大名之南樂南樂畿邑也同鄉士夫請余言濱  
行贈之夫古之仕者爲人非徒榮其爵食其祿而已  
也故凡莅於我者處之必盡其道爲之必竭其力而  
後享其榮安其食焉今之仕者則大都爲已矣操其  
爲已之心以行其爲人之政猶有惠利於民可也而



况又昧於爲人者乎此所以談者之議可爲捧腹而  
欲望於豪傑之力救也君出儒家之胄淹貫於詩書  
其取科第若種而穫炊而熟則其爲人之政當有大  
異于人者而又出於豪杰之科則所謂豪杰之士者  
豈特君所自負哉人固望之英然則南樂之民沾濡  
豈第之化厭飫循良之澤以大慰談者之望不在此  
行乎余於子居爲同年而南樂與瀋爲同郡今之尹  
瀋者吾弟衡仲也故所以告夫五噐者如此

東川劉文簡公集卷之一 終